



Broj: 08-01-03/2-11-2-2673-13/23

Dana: 08.12.2023. godine

Na osnovu člana 69. stav (3) i članom 70. stav (1), (4) i (6) Zakona o javnim nabavkama ("Službeni glasnik BiH", broj: 39/14 i 59/22), u otvorenom postupku sukcesivne nabavke papira, ministar Ministarstva unutrašnjih poslova Zeničko-dobojskog kantona, d o n o s i:

O D L U K U
o poništenju postupka javne nabavke

Član 1.

Poništava se postupak javne nabavke za "Sukcesivna nabavka papira", zbog povrede postupka prilikom otvaranja ponuda, a u skladu sa članom 69. stav (3) Zakona o javnim nabavkama.

Član 2.

Ova Odluka stupa na snagu danom donošenja i objavit će se na web-stranici ugovornog organa (www.mupzdk.gov.ba).

O b r a z l o ž e n j e

Na osnovu Odluke o pokretanju postupka javne nabavke broj: 08-01-03/2-11-2-2673/23 od 12.10.2023. godine i Obavještenja o nabavci broj: 488-1-1-51-3-49/23 od 30.10.2023. godine, pokrenut je otvoreni postupak sukcesivne nabavke papira. Procijenjena vrijednost nabavke je iznosila 50.000,00 KM bez PDV-a. Sažetak obavještenja o nabavci broj: 488-1-1-51-3-49/23 objavljen je dana 03.11.2023. godine u "Službenom glasniku BiH", broj: 76. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-2673-3/23 od 20.11.2023. godine.

Dana 30.11.2023. godine, do 10:00 sati, Komisiji za javne nabavke (u daljem tekstu: Komisiji), predano je 4 (četiri) ponude, kako slijedi:

1. "AERO-EXCLUSIVE" d.o.o. Sarajevo
2. "ELKOM" d.o.o. Vitez
3. "R&S" d.o.o. Sarajevo
4. "DEFTER" d.o.o. Sarajevo

Nakon obavljenog javnog otvaranja ponuda, dana 30.11.2023. godine u 10:00 sati, Komisija je sačinila Zapisnik o zaprimanju i Zapisnik sa otvaranja ponuda, te su isti na propisan način dostavljeni ponuđačima, čije su ponude otvorene.

U fazi pregleda i ocjene ponuda, Komisija je dana 05.12.2023. godine., od strane Odsjeka za pravne, kadrovske i logističke poslove, obavještena o zaprimljenoj ponudi ponuđača "PRIMAPROM" d.o.o. Banja Luka. Dana 05.12.2023. godine, Komisija je iz navedenog Odsjeka preuzela ponudu, te utvrdila da je ista zaprimljena 29.11.2023. godine, odnosno da je ista blagovremena.

S obzirom na činjenicu da se desio tehnički propust, koji je bio izvan ovlasti Komisije, te da predmetna ponuda nije na vrijeme predata Komisiji, Komisija je sačinila Obavijest i prijedlog broj: 08-01-03/2-11-2-2673-11/23 od 05.12.2023. godine, kojom predlaže Ugovornom organu da se postupak javne nabavke otkáže.

Slijedom navedenog, a zbog narušenog integriteta predmetnog postupka, Ugovorni organ poništava postupak javne nabavke, u skladu sa članom 69. stav 3 Zakona o javnim nabavkama.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Ponudači, 1x.-
2. Sektor za podršku, 1x.-
3. Spis, 1x.-

